



## Opposun Eppetin COVID-19 ren Ekkan 5-11 Ierir FAQ *(Porousen 11-03-2021)*

### Q: Met sokkun opposun eppet a mwuumwuuta ngeni ekkewe 5-11 ierir?

Ewe Pfizer an semirit opposun eppetin COVID-19 a mwuumwuuta ngeni semirit ier 5 ngeni 11.

### Q: An semirit ena oppos epwe pwan ruufoch opposun?

Ewer. An semirit ei oppoun eppet epwe kawor ruu opposun, 3 wiik tamen nefiiner.

### Q: Met sokkoffesennin ewe oppos Pfizer an watte me ewe oppos an semirit?

Ewe oppos an semirit iwe 1/3 koukun seni ewe oppos ren aramas ier 12 feita. Koukun ewe oppos an aramas ier 12 feita nge 30 microgram ren ewe opposun eppet. Ewe oppos an semirit nge 10 microgram.

#### Sakkoffesennin ewe Pfizer opposun eppetin COVID-19 me an semirit ewe oppos

	Ier 12 feita	Ier 5 ngeni <12
<b>Onuwen eppwonun ena safei</b>	Forket	Oreinch
<b>Koukun oppos</b>	30 microgram	10 microgram
<b>Fitu ekkan oppos seni ew mwirin an nofit</b>	6	10

### Q: Ewe koukun opposun eppet an watte mei tongeni aea ngeni semirit 5-12 ierir?

Apw. Chon fori angangen opposun eppet repwe aea ewe koukun opposun eppet an semirit ier 5 ngeni 11. Ewe opposun eppet an semirit mei pwisin wor pisekin angangan.

### Q: Ekkan semirit repwe tongeni angei ewe opposun eppet me ian?

Ewe einet ngeni state ren en Pfizer an semirit a poputa ne siipw ngeni Oregon non ei wiik iwe epwe sopwosopwono. Non ekkei pwan fitu wiik, ekkan nenien safei, ekkewe health center mei ketiw meren federal, ofesin tokter, me pwan ekkoch clinic fan iten opposun eppetin COVID-19 repwene monnota ngeni ar repwe fori angangen opposun eppet ngeni semirit. Kokori noumw we tokter ika aea ewe [Get Vaccinated Oregon mappun nenien Opposun Eppet](#) omw kopwe kuna ekkan neni mei kanengonuk re awora an semirit oppos ren ewe Pfizer. En mei pwan tongeni kokkori 211.

**Q: Ekkan nenien meme safei mei pwan tongeni awora en opposun eppet ngeni semirit kukkun seni 12 ier?**

An state ewe Public Health Director mei awora an mwuumwuuta pwe noun Oregon soutipachem ren safei ir mei tongeni fori angangen opposun eppetin COVID-19 me opposun eppetin flu, ngeni semirit feitiw ngeni 3 ier. (Ewe opposun eppetin COVID-19 mei mwuumwuuta ngeni semirit ier 5 feita). Ekkewe nenien ameme safei re etiwa chon nounou ewe Oregon Health Plan (OHP) repwe kame ren ar fori angangen opposun eppetin flu ngeni semirit feitiw ngeni 3, me opposun eppetin COVID-19 feitiw ngeni ier 5.

**Q: Met mei affatetiw ren pekingawan?**

Mei affatetiw epwe met pekingawan mei fis ngeni aat me nengin mei taitap ngeni ekkan mwan me fefin: epwe metek ikewe re oppos ie, menun, metek mokur, me metekitek non inis. Ekkoch pwan pekingawan ese kon fis, ren myocarditis, ese pwa me non ekkewe angangen asossot me mwen an epwe mwuumwuuta, ese pwan konnien fis, usun an fis ngeni ekkewe ra ierin watte.

**Q: Ifan ukukun tamen iimanan ngeni ewe opposun flu?**

Ir me ruu ekkei opposun eppet mei iiman ren eppetin semwen seni semirit. Ei opposun eppetin COVID-19 mei fori angangen epochokkunen menun non inis, mei tori 90.7% iimanan an epwe eppetin COVID-19 seni semirit ier 5 ngeni 11. Ewe opposun eppetin flu mei soun siiwin iteiten ier ren an epwe fitti ngeni sokkun menun flu mei cheufetan. Iimanan mei tori 40% ngeni 60% nein unusen aramas ese nifinifin. Anon ewe [CDC](#), ew angangen kaeo ngeni non ewe 2014 mei pwarano pwe ewe opposun eppetin flu mei ekukkunatiw fansoun an semirit nomw non ICU ren semwenin, tori 74% ar nennengeni porousen non ewe 2010-2012. Ew angangen kaeo ngeni mei fis non 2017 non ewe journal ren Pediatrics mei pwarata pwe ewe opposun eppetin flu mei ekukkunatiw fansoun maano, feita won 51% me nein ekkewe semirit mei wor ar semwenin inis me pwan ruu-ne unungatin (65 percent) me nein ekkan semirt ese wor ar semwen.

**Q: Ifan usun angangen ewe opposun eppetin COVID-19 ngeni ekkewe semirit mei wor ar semwenin inis?**

Mei pesepes ngeni ekkan tokter pwe repwe nengeni ew me ew porousen semwenin ekkan semirit pachenong ekkewe mei urir myocarditis ika multisystem inflammatory syndrome MIS-C. Met mochenin CDC fan iten ekkei sokkun nikinik ren aean ewe opposun eppet ngeni ekkei mwiichen aramas ka tongeni kuna me [ikei](#).

**Q: Mei wor met pekingawan ewe opposun eppet epwe fis non nakattamen fansoun?**

Porousen ei angangen opposun eppet ngeni ekkan aat me nengin ese mwo pwarata pwe mei wor pekingawan non fansoun nakattam. Napengeni meinisin pekingawan ekkei opposun eppet e chok fis non fitu ran, napenon onu wiik me mwirin ar angei ei opposun eppet. Ese wor semirit mei uri myocarditis re maano me mwirin an angei ei opposun eppet.

**Q: Met wewen ewe a mwuumwuuta non fansoun imerechensi ngeni ewe mwuumwuuta meren FDA?**

Mwuumwuuta non fansoun imerechensi nge ew angang chon FDA re fori ren an epwe mwittir ne awora och sokkun angang ika safei, mwun ar fori angangen kawor ika mei wor an chon public health imerechensi. Ei sokkun angang e poputa me non ewe 2001 ren mwuumwuutan aean ewe opposun eppetin Anthrax.

**Q: Pwata upwe awora anoniinenin an nei semirit epwe angei ei opposun eppet ika pwe ese chommong semwenin COVID-19 me nein semirit?**

COVID-19 a pwan ew ekkewe engon sokkun semwen semirit mei maano ren. Ekkei opposun eppet epwe tumwunu semirit an esapw watte ngenir semwenin, niwing ika maano ren COVID-19. Me non U.S. seni non ewe Oktober 17, 2021, 1.9 minion chon semwen ren COVID-19, 8,300 chon niwing non pioing, 2,316 semirit e urir Multisystem Inflammatory Syndrome (MIS-C), 94 chon maano ren COVID-19 mei affat pwe semirit ier 5 ngeni 11. Me non Oregon seni ewe Oktober 31, 2021, nge 26,370 chon semwen ren COVID-19, 240 re niwing non pioing, me 2 mei maano a affat

**Q: Fitemon semirit ier 5-11 mei fiti ewe angangen asossot?**

Ewe CDC mei affata pwe ewe pekin kaeo ngeni tumwunun ewe Pfizer opposun eppetin COVID-19 an semirit, ir mei asossot won 3,100 semirit ier 5 ngeni 11, iwe ese wor watten pekingawan e fis tori iei non ar sopweno angangen ar kaeo ngeni. Tori ikenai non U.S., akkarap 57% aramas ier 12-15 me 64% ren ekkewe ier 16-17 ra angei koukun an watte ewe Pfizer opposun eppetin COVID-19.

**Q: Ifa ukuukun afeiengawen ewe opposun eppet an epwe efisi en myocarditis non semirit 5-11 ierir?**

Pekingawan ei opposun eppet ren an efisi en myocarditis non semirit e kukkun mwun fansoun an fis ngeni aramas a watte ierir. Ewe mwiich mei kon watte ngenir afeiengaawan ren an efisi en myocarditis nge ewe oruuwen <sup>2</sup> oppos ngeni ekkewe onuwon 16-17 ier, ina epwe 1 me nein 14,500 aramas. Pekingawan mei kukkunutiw non ekkan aat mei sokkono ierir, me pwan atittinino me nein ekkan fefin ika fopwun. An epwe uri emon ei myocarditis ika e urir COVID-19 mei fen watte.

**Q: Nei semirit epwe angei ei opposun eppet ika pwe mei piin uri COVID-19?**

Ewer. En menun fiuu ngeni semwenin mei aninnis nge use unus pochokkunan, fengen me mei pwan chok sopwosopwono cheufetannin COVID-19 me nein semirit non koukun ekkei ier ika mwo mei chommong semirit mei piin urir semwenin; opposun eppetin COVID-19 mei awora aninnisin eppetin semwen.

**Q: Nei semirit mei tongeni angei ewe opposun eppetin flu me opposun eppetin COVID-19 non chok ew fansoun?**

Ewer. Opposun eppetin ir mei ruu mei auchea, iwe an emon epwe angei ir mei ruu non ew fansoun ese awatteno pekingawan ika epochokungawa noun emon menun fiuu.

**Q: Mei wor pekingawan epwe fis ngeni semirit re angei ewe opposun eppet non fansoun nakattam? Ekkan opposun eppet mei tongeni siwini an emon DNA ika angawa pisekin non inis mei auchea ren ar repwe tufichin nounou?**

Ekkei opposun eppet ese tongeni siwini an emon DNA. Porousen ei opposun eppetin COVID-19 me nein ekkan fefin chommong, pachenong fefin mei pwopwo, ese mwo wor met mei pwarano pwe mei efisi ar riit, ika fansoun an epwe turusenir nour.

**Q: An semirit ewe opposun eppet a monnota ngeni an epwe kawor?**

Oregon mei monnota ngeni an epwene naaf ekkan opposun eppet ren opposun semirit 5 ngeni 11 ier. An semirit ekkei opposun eppet epwe touroto non an kinikinitiw, ewe ewin kinikin epwe waroto non Nofamper. 1 ngeni ekkewe health center mei ketiw meren chon federal, chon local public health authority me ekkewe nenien ameme safei. Kich mei fori angangen inetich ekkei mei tour ngeni kich seni chon kafomonun federal pwe epwe naaf ngeni ekkan tokter, ar repwe awora ewiin me oruuwen opposun ngeni nour aramas.

**Q: Ekkan sukuun repwe tichiki an nour chon sukun repwe angei ei opposun eppet/awora ketiweu seni COVID-19? Nge epwe ifan ren nupwen an unusen mwuumwuuta?**

Ren ennuun an chon sukuun repwe angei ewe opposun eppetin COVID-19, pwisin nemenien ew me ew chon pekin sukuun, sokkono seni met OHA mei mochen ren unusen ar state.

**Q: Ekkan tokterin semirit epwe pwan wor rer ekkei opposun eppet?**

Ewer, kich mei angang fengen me ekkan tokterin semirit, mei chommong, ika esapw napengenir, epwe wor rer ewe opposun eppet, poputa seni ewe ewiin wiik non Nofamper. 8.

**Q: Ekkan nenien ameme safei mei pwan tongeni awora ekkei opposun eppet ngeni ekkei koukun ier?**

Ekkan nenien ameme safei ra tongeni opposu ekkan semirit ier 3 feita ren opposun eppetin flu, me semirit ier 5 feita ren opposun eppetin COVID-19. Ewe Get Vaccinated Oregon (GVO) [mappun Nenien Opposun Eppet](#) mei affata menni ekkan nenien ameme safei mei wor rer an semirit opposun eppet (ewe oppos an aramas ier 12 feita ese tufichin an epwe kawor ngeni semirit ier kukkun mwen 12). En mei tongeni kutta ewe opposun eppet Pfizer an semirit me non en nenien filter won ewe GVO non ewe kinikin 'Vaccine Types'.

**Q: Kich mei sinei ika pwe ewe oppos booster mei menei an epwe kawor ngeni ekkewe 5 ngeni 11 ierir?**

Esapw mwo non ei fansoun. Ewe CDC epwe sopweno ne nengeni porousan ika pwe a tufichin kawor.

**Q: Emon saam ika iin/chon tumwun mei menei ar repwe pwan nomw ika mei tufich an emon watte (awewe ren emon pwiin a 18 ierin ika inan me seman chinap) epwe fiti ewe semirit?**

Me non Oregon, semirit ra watte seni 15 ier ra tongeni pwisin awora ar mwuumwuuta ngeni sokkun angangen pekin safei. Ekkewe semirit kukkun seni ena ier mei auchea an epwe wor mwuumwuuta seni saam me iin ika chon tuwunur.

**Q: Epwe pwan wor met epwe siiwin ren ewe Monnotan Sukiun, Tumwunun Chon Kaeo?**

Angangen ekkesiwin epwe fis ngeni ewe RSSL ewe Framework ren Resiliency non an OHA epwe forata ew minafon angangen aninis. Ei angang mei sopwosopwono ussun pwan met mei fis ren siiwin epwe osukosuka chon sukuun me chon angang.

**Q: Ngang mei tongeni wanong nei semirit non ew rumwen kaeo an ekkewe ra "angei ewe opposun eppet"?**

Ei esapw ew mettoch epwe mwo kawor ngeni saam me iin me chon sukuun.

**Q: Nge ika nei we semirit epwe ne 12 ierin nefinen an iwe ewiin me oruuwen oppos?**

Ren ena sokkun, ew nein ekkewe an semirit me an ekkan watte koukun opposun eppet mei tongeni kawor ren ir me ruu ekkewe oppos.

**Toureochun taropwe:** Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, awewe ren fosun ekis, epwe mesemong ekkewe mak, ika noun ekkewe mei chuun. Kokkori ewe COVID-19 Communications Unit won nampa 1-971-673-2411, 711 TTY ika [COVID19.LanguageAccess@dhs.ohio.gov](mailto:COVID19.LanguageAccess@dhs.ohio.gov).